



Crisis Theologica

Cárdenas, Juan de

Sevilla, 1687

Cap. IV. An subeat hanc damnationem sententia asserens, posse elici actum Fidei supernaturalis circa obiectum, qua[n]do sibi proponitur vt certum moraliter, quod illud continetur sub revelatione ...

[urn:nbn:de:hbz:466:1-75689](#)

nam, & probabilem; accedente tamen illustratione, & inspiratione divina, puer, vel homo rudis certus redditur, quod homo ille non vult decipere, cum affirmat esse obligationem credendi mysteria firmissime.

CAPVT IV.

An subeat hanc damnationem sententia afferens, posse elici actum Fidei supernaturalis circa obiectum, quando sibi proponitur ut certum moraliter, quod illud continetur sub revelatione universalis?

SYMMARIUM.

Quando id est certum moraliter, posse elici actum Fidei circa obiectum singulare, quinam Theologi censeant. n.46.

Quae difficultas militet contra eam sententiam? n.47.

Propugnatur prefata sententia Theologorum. n.48.

Quare non elicetur actus Fidei, si res moraliter certa in casu rarissimo aliter se haberet? n.50.

Qui certus est moraliter, nequit formidare. n.51.

46. **Q** Vando moraliter certum est, quod obiectum singularare continetur sub revelatione universalis; illud obiectum singulare esse Fidei supernaturali credendum, affirmant nobiles Theologi. Ita P. Suarez disp. 3. de Fide sect. 11. num. 6. qui quamvis non vratur terminis certitudinis moralis, tamen exempla, que affert, illam important. P. Petrus Hurtado disp. 11. de Fide sect. 3. citans Bellarminum tom. 1. lib. 2. de Autho-

rit. Conciliorum cap. 9. Item Lugo Cardinalis disp. 1. de Fide sect. 13. §. 4. num. 313. Et ratio est: quia obiectum propositionis universalis non distinguitur ab ipsis singularibus, & ita quando Deus revelat, se velle, omnem hominem salvum fieri; revelat se velle, Petrum, Paulum, & Franciscum, &c. salvos fieri. Cum ergo certitudo moralis sit illa, quæ omnem prudentem ita reddit certiorem de obiecto, vt non possit de illo formidare; quando hoc genere certitudinis constat, singulare contineri sub revelatione universalis; certū manet; quod Deus id revelavit, vt pote certo inclusum in tali revelatione universalis. Sic enim non constat nobis evidentiā physica, aut metaphysicā, quod extiterit Concilium Tridentinum, sed sola evidentiā morali: & tamen quia Deus revelavit, omne Concilium legitime congregatum non posse errare in doctrina Fidei; & morali evidentiā scimus, Tridentinum extitisse legitime congregatum; Fide Divina credimus Tridentinum non posse errare in doctrina Fidei.

47. Instituimus ergo hanc questionem, an ea sententia subiiciatur huic damnationi propter hanc rationem dubitandi. Nam quod est certum moraliter, physice potest, aut, saltem metaphysice non implicat aliter esse. Ex quo duæ consequentiae elicuntur. Prima. Ergo saltem in aliquo casu rarissimo contingens est, quod aliter eveniat. Secunda. Ergo poterit quis formidare, an iste sit is casus rarissimus, in quo aliter evenit. Et ambæ consequentiae perniciose sunt. Prima quidem: nam actus Fidei omnino est infallibilis, neque in ullo casu, etiam rarissimo, deficere potest. Secunda etiam: quia iuxta hanc damnationem assensus Fidei non stat, nec potest stare cum formidine de eius obiecto.

Di-

Suar.
P. Hur.
Bellar.
Lugo.

48. Dicendum tamen est cum certatis Doctoribus, quando datur certitudo moralis, (certitudo, inquam, in gradu supremo) quod obiectum singulare continetur in universaliter revelato; posse actum Fidei supernaturalis terminari ad id obiectum singulare; idque obiectum singulare credi debere Fide Divina. Cuius fundamentum est, quod citati Authores proponunt, & supra re-tulii.

Lugo.

49. [Confirmatur, (verba sunt Ioannis de Lugo disp. 1. de Fide sect. 13. §. 4. num. 314.) quia hoc modo explicatur, cur, aut quomodo possit esse de Fide authoritas V.g. Concilij Tridentini, quæ nisi de Fide constaret, non appareret, quomodo possint de Fide credi, quæ in eo Concilio definita sunt. Recurrente ergo est ad propositionem universaliter revelatam, quod Concilio legitimo assistat Spiritus Sanctus, aliunde vero certitudine morali constat, Concilium Tridentinum legitime congregatum, & approbatum esse, convocante Summo Pontifice, & illud approbatè convenientibus ex Catholica Ecclesia Episcopis, & Prælatis per se, vel per alios, &c. de quibus nemo prudenter dubitat, aut formidat: quare constat nobis sufficienter de hoc Concilio loquutum fuisse Deum in promissione universaliter revelata, ut breviter notavit Suarez dicta sect. 11. num. 6.]

50. Dixi in conclusione, id debere esse certum in gratu supremo: quia cum certitudo recipiat magis, & minus; ea, qua quis dicitur certus moraliter de continentia huius individui in revelatione, debet esse maxima, & suprema. Vnde pro re praesenti possumus distinguere tres gradus certitudinis moralis, supremum, medium, & infimum, & ut ab hoc

incipiamus, infimus est, quando prudentes habent aliquid pro certo ex eo quod communiter accidit quamvis in raris casibus oppositum acciderit. Sic dicitur certum, quod plene probatum est in iudicio. Sic etiam habemus pro certo, quod infans baptizatus a Parocho in Ecclesia, sit recte, & valide baptizatus; non enim est prudenter credibile, quod Parocho defecerit intentio rite, & recte baptizandi. Supremus gradus certitudinis est, quando tanta, tamque urgentia motiva credibilitatis concurrunt, ut impossibile sit, hominem prudentem, qui illa percipit, posse dubitare, aut formidare. V.g. quod existat Roma; quod Concilium Tridentinum fuerit ritè congregatum, & similia. Gradus medius dicendus est, quando pro certitudine concurrunt multo plura, & maiora motiva, quam in gradu infimo; quæ tamen non perveniunt ad illam impossibilitatem formidandi, quæ reperitur in Supremo.

51. Affero ergo, præfatam conclusionem intelligendam esse de certitudine morali in supremo gradu; ita quod qui ita certus est de continentia huius individui in revelatione, ut ex urgentia motivorum impossibile sit dubitare, aut formidare, potest, & debet credere Fide Divina hoc individuum esse à Deo revelatum.

52. Hinc respondeo ad rationem dubitandi, idem argumentum fieri posse ad debilitandam certitudinem Fidei humanæ, qua credimus Hispanenses, actualiter esse Romanam, nempe quod saltem metaphysice non implicat, id esse falsum. Cui respondebimus, quod ad ipsam certitudinem de existentia actuali Romæ præsupponitur ipsa existentia Romæ. Supposito autem quod existat Roma, implicat contradictionem, quod non existat. Eo

SVMMARIVM.

53. Eodem ergo modo, dicendum est, ad certitudinem moralem in Supremo gradu, qua cognosco obiectum singulare contineri in obiecto vniuersali revelato, præsupponi eam realem continentiam: ex suppositio-ne autem quod detur talis continen-tia, implicat contradictionem, quod ea non detur. Et quidem si aliter esse posset non haberetur ea certitudo moralis, quæ talis est insupremo gradu.

54. Accedit, quod omnia reve-lata sunt vel iam facta de præterito; vel si pendent in futurum, dimanant à revelatione Dei iam facta. Atqui cum ad præteritum non detur potē-tia, neque revelationes Dei patientur mutabilitatem, implicat aliter esse ea, quæ quis cognoscit supra-ma certitudine morali, esse contenta in re-vlatione vniuersali.

55. Hinc respondeatur ad ratio-nem dubitandi, negando, id, quod est certum moraliter in supremo gradu, ex suppositione talis certitudinis, & veritatis ad illam præsuppositę, pos-se aliter esse. Quare negandas sunt ambe consequentię.

56. Reliqua argumenta, quæ obiecti possunt contra eam senten-tiam, quæ admittit assensum Fidei supernaturalis circa obiectum singu-lare evidentiā morali contentum in obiecto vniuersali revelato, & solu-tiones eorum, non spectant ad meum institutum. Qui ea desiderat, videat P. Petrum Hurtado, & Cardinalem P. Hur. Lugo citatos.

CAPVT V.

*An incurrat hanc damnationem
sententia afferens, aliquod obiec-tum esse de Fide contra alios*

Authores id ne-gantes?

*Authores negantes esse de Fide, hunc,
qui de facto est, esse verum Pontifi-cem. n. 57.*

*Authores affirmantes, id esse de Fide.
num. 58.*

An qui affirmant, esse de Fide, affir-mant illud probabiliter, & cum for-midine de revelatione. n. 59.

Quomodo respondeat ad hanc diffi-cultatem Lugo Cardinalis. n. 60.

*Qui censem, esse de Fide, debent id
credere per assensum Fidei super-na-turalis, & absque formidine. n. 61.*

*Qui censem, esse de Fide, adhærent
sue sententia tamquam cert.e, &
censem oppositam non esse probabi-
lem, nempe à principijs intrinsecis.
num. 62.*

*Dilemmate ostenditur conclusio. n. 63,
& 64.*

*Quod à principijs intrinsecis est im-
probabile, quamvis in oppositum
sint plures Authores, non potest esse
probabile. n. 65.*

*Proponitur responsio, & convincitur.
num. 66. & seqq.*

Quare dici non possit, illud esse de Fi-de solum in abstracto. n. 69.

*Qui probabiliter affirmant, aliquid
esse de Fide, non habent certitudi-nem requiſitam. Et quid inde pro
conclusionē? n. 70.*

*Ex eo, quod non habeant certitudinem
adhesionis ad obiectum illud, non
possunt dicere esse de Fide. n. 71.*

57. **A** liquæ sunt quæstiones cō-
troverſæ inter Theolo-gos, in quibus inquiritur, an tale
obiectum credi debeat Fide Divina,
aientibus alijs, & alijs negantibus.
V.g. quæſtio est, [An sit de Fide, hunc
hominem, V.g. Sanctissimum D. Inno-
centium XI., esse verum Pontificem,
& Petri succelforem legitimum?]
Nam,